

國朝滇南詩略

卷三

國朝滇南詩畧目錄

卷二

徐崇岳 五十首

闕禎兆 二首

李崇階 三首

徐准慧 九首

張崇厚 三十五首

張崇文 二首

沈秉貞 一首

鄧鳴華 二首

何珏 八首

國朝滇南詩畧卷二

古皖江濬源岷雨

鑒定 保山袁文揆纂輯

姚江翁元圻鳳西

徐崇岳

字石公保山八康熙癸卯舉人公車未第遂樂志林泉吳三桂聞其名強之仕不屈絕迹公門以詩文自娛嘗與修通志所著有造適軒集

出塞

漢家重邊功。黃金養戰士。烽火照甘泉。天子按劍

起千百羽林郎。十萬良家子。鷗落秋風前。馬嘶平原裡。少年重豪氣。荷戟私相喜。丞相親築壇。璽書傳壁壘。云胡一軍驚。大將豎子耳。

入塞

羽書夜奏捷。龍輦早臨軒。前軍將望闕。後軍及酒泉。將軍賜劔履。拜舞未央前。降王何纍纍。云是左右賢。太庖賜酒肉。妙樂響鈞天。天子念元功。高閣欲凌烟。韓李不敢望。衛霍孰爭先。獨有典屬國。持

節十九年

出塞入塞多悲壯之音此獨氣味淵穆知其寢淫乎漢魏矣

結客少年場行

朝進長安門。暮過新豐市。沽酒澆熱腸。摩挲三尺水。酒人爾誰何。無乃劇孟使。中心鬱不舒。云是尋知已。杯酒既相接。涕淚從此始。豪士伏草莽。世人盡痿痺。乞恩獲一官。報仇非大耻。軒蓋徒紛紛。往來皆蟻蟻。悠悠行路心。靡靡為妻子。殺此碌碌徒。吳鉤且羞死。善刀而藏之。吾將行萬里。

慨當以慷

擬古

日照杏花初。十五頗有餘。朱樓臨花道。朝旭射綺
疏。粧含博山氣。空翠擎雲舒。脉脉沁人懷。春水生
衣裾。曉色方未央。晴光漾平蕪。雙闕何壯觀。云是
仙人居。招我金色羽。朗朗聞步虛。心識婉姸字。情
嚴未敢呼。好鳥亦闕闕。喚贈三星書。拜手一揚袂。
願言朝天都。頗似遊仙體

述夢

我昔逢美人。初鶯轉芳樹。握椒已欲答。矜容復相
拒。歸來北窓卧。彷彿通訊晤。曉日照靚粧。飛霞傳
纖步。即是再相逢。夢覺無殊趣。

偶筆

東家自解顰。不須效西里。所以古人言。學我者必
死。千古士龍笑。一校幼輿齒。狂惑不可除。將無亦
可喜。寥寥大造中。何所不有矣。
忽忽昧予意。悠悠聽世情。有意不自解。况乃望友

生索居成獨媚在衆或心驚常令寂寞存庶無憂
患并達哉曠士心率性以孤行
岱宗下逶迤黃河千里折大道罔不通俗學自茅
塞陋彼邱壑姿峻隘成孤絕物論豈能齊無物乃
超越

紫巖訪願公用少陵宿贊公土室二首韻贈

之

霜晨策我馬戒侶遵微路
蹇跼入密林寒水亦屢

淚攀陟造紫巖。一笑愜情素。石藥導幽徑。雲光生
幻趣。賞心暢懸解。快目恣高步。凌空已先登。領異
還却顧。粲粲彌巖花。暖律變寒沍。四山合青葱。慧
鳥呼龍樹。我友日晏來。庶以慰遲暮。元塞後至長歌候
月出團光。生夜露。

鳥啼山更空。客喧巖愈靜。白石抱雲氣。飛霞流海
影。是時正初冬。晏坐天為永。戲狹捷高枝。潛虬閱
石井。大師天人尊。語默鉗錘秉。道廣容酒徒。物外

識。超。迥。由。來。文。字。機。箭。端。墮。鋒。穎。因。笑。舌。雖。存。出。
口。言。句。屏。衆。雲。蕩。海。色。倏。忽。千。萬。嶺。獅。子。不。侶。行。
獨。坐。大。雄。頂。有康樂遺致

君子有所思行

玉壺貯月傾冰漸。晶盤碧玉抽香蘼。入門下馬彈
朱絲。美人清若梅花枝。花香酒滿弦聲歇。青天擁
出瑤臺月。杯停各自說所思。我有所思人不識。君
不見。藐姑仙人抱冰雪。綽約肌膚天下絕。願騎長

風。風。獵。獵。且。往。從。之。銷。內。熱。

似太白

賦得珠絲繫梧葉

鳳凰條下添涼月。晴空墜雲天自碧。秋蟲故故學
相思。輕牽弱挽留。秋色秋聲茫茫何處尋。主人堂
上有鳴琴。儂家焦尾空懸壁。不解臨風聽好音。隣
枝颯沓紛何所。殘香菡萏相憐語。不學東園桃李
花。落英猶把燕巢補。

前題惜別

莎雞聲老霜黃泣。嶧陽老樹孤枝出。寒烟得得襯
游絲。不是西風無氣力。竹梢敲月聲琅玕。隔林雛
鳳不得眠。曉來露重飛絲弱。忍送長風散迥天。故
人聲影霜天路。那知逢君縮不住。斂蛾更憶在家
詩為君重刻相思句。

工於體物者
必善言情

古意

琅玕新織波紋濕。眼多容易牽情入。世間何限倚
門人。自曉自妍。因自匿深閨。如水郎如龍。何怯門

前數丈石。知郎忽漫不相憐。橫將往事煎心急。

少年行

青春寶日朱霞綴。妙拍檀槽催語鳳。玉蕊金鹽吹
口香。桃肌柳黛層波動。秉燭須遊香艷場。睡濃猶
作溫柔夢。溫柔鄉裡度春風。月影分花散玉鍾。葳
鈎私畫相思字。薦枕身疑比目同。與君相好莫相
疑。同體嬌憐在此時。昨聞紫閣三朝老。去學黃冠
五岳師。五岳峯頭玉女笑。伊昔紅顏見誰到。仙人

重色輕公侯。尊前珍重郎。年少一結尤恢詭。

六涼歌

少年曾騎六涼驄。頭高八尺氣如龍。今日始經六涼地。連天春草馬羣空。停鞭試問馬何在。道傍老人吞聲對。前朝古帝收涼州。大馬驅來千萬頭。潁川黔國開南服。精騎十萬紛貔貅。南荒初定容易叛。三定雲南功莫算。上簡威德侯滇黔。從此歸馬不復戰。六涼瀕海不堪田。水落沙肥草可憐。將軍

驅馬來此牧。私不侵民官。省錢草長馬肥嘶。且舞
毛爭雲錦力如虎。有時風雨交蛟龍。產下龍駒世
罕覩。二十年来逢喪亂。雲屯大馬如烟散。就中記
有一神駒。平步波濤如掣電。磨牙潰圍怒奮蹄。千
人辟易莫致之。土人跪祭馬嶽立。餓死不受凡流
騎。君今弔古胡為者。不問傷人問傷馬。君看此日
六涼城。昔年萬家如列營。高樓大屋連甍起。深夜
猶聞歌管聲。亂歷瘼矣遭驅掠。良家大半填溝壑。

斷井頽垣不復知。高田一望無耕鑿。城西走遍復
城東。誰家兒女如花紅。兒作小史事官府。女兒時
落教坊中。請君莫談當年語。近來養馬民辛苦。健
兒十輩索餐來。豆屑糠粃難覓者。且莫養馬但養
牛。牛肥禾黍光油油。十年再見婦子樂。與君更養
萬驎騮。波瀾壯濶直從
老杜歌行得來

重遊寶峰寺題呂仙閣上

寶峰山頭舊青碧。秋色欺人難作客。竭來掬雨洗